

唉恨我請纓未遂終軍志，駟馬難揚祖逖鞭。
 你風塵閱歷崎嶇苦，你雞群混跡暫且從權。
 可嘆好事多磨，從古道，半由人力半由天。
 今日言猶在耳，唉！已經成虛負咯，屈指如今又隔一年。
 要我嗚，要我呀，要存終始兩心堅。
 牽衣、你重牽衣，致囑我嗰一段衷情話呢，
 就在望江樓上設下了離筵。
 嬌呀你，你杯酒臨歧同我餞別，
 【中板】嗰陣淚灑西風紅豆樹呀，情牽古道白榆天。
 只為緣慳嗰兩個字，就要拆散離鸞。
 唉我哋幾回眷戀，總係難：分捨，
 不料同群催走，話要整歸鞭：
 共你肝膽情投將有兩月，
 總係纏綿相愛，又復相憐。
 我亦記不盡許多：情、情與義，
 我共你並肩：攜手拜月嬋娟：
 記得青樓我哋邂逅嗰一晚中秋夜，
 唉我懷人空對月華圓。

客途秋恨〔唐健垣唱〕(錄音：唐健垣 南音 5 C D)

曲詞及叮板譜由「南音欣賞網」(<http://naamyam.tsuenhead.org>) 提供，未經演唱者過目，內容可能會有錯漏。

虧我、虧我心似轆轤千百轉，空眷戀、L
 等你劫難逢凶俱化吉，所有災星魔障永不相牽。
 只望慈航法力可以行方便，就把楊枝甘露救出火坑蓮⁸
 或者死後得成連理樹，好過生前長在奈何天。
 你話若然艷質遭兇暴略，唉我願同埋白骨伴姐妝前⁸
 一定拼送、拼送香魂玉化煙。
 妹呀，你係幽蘭怎肯受那污泥染呀，
 嬌花呢若被狂風損，一定玉容無主，倩誰憐⁸
 最怕賊星來犯呢位月中仙。
 嬌呀你，你係紅顏命薄恐怕招天妒，
 啲啲崑山玉石都俱焚燬呢，所有避秦男女入桃源⁸
 報到、報到話干戈撩亂，擾亂江村。
 近日呀聽得、聽得羽書馳諜報，
 關山咫尺成千里，今日縱有雁札魚書總渺然⁸
 點想滄溟鼎沸鯨鯢變，引起啲啲妖氛漫海動烽煙。
 啲陣廣寒宮殿無關鎖，你話何愁好月不團圓⁸
 只望呀、只望裴航玉杵諧心願呢，我就藍橋踐約，訪神仙。
 只學得龜年歌調唐宮譜，我嘅遊戲文章唉賤賣錢⁸

客途秋恨〔唐健垣唱〕(錄音：唐健垣南音5CD)

曲詞及叮板譜由「南音欣賞網」(<http://naamyam.tsuenhead.org>)提供，未經演唱者過目，內容可能會有錯漏。

【乙反南音短板面】

【乙反】唉我聞擊柝，夜三更：

只見江楓：漁火照住我呢個愁人⁸。

我幾度呀徘徊思往事，我都勸嬌呢唔好，為我咁癡心呢。

我話風流不少、有不少憐香客，羅綺：還多惜玉人⁸。

自古道煙花呢誰不、誰不貪豪富，

做乜你偏把你嘅深情向住小生呢。

我係窮途作客囊如：洗，

擲錦纏頭愧未能⁸【高短腔】

【乙反南音單序】

記得個晚填詞，我偶寫個一段胭脂井，

妹呀你重合情相伴對住個盞銀燈呀。

妹呀你又細問我、我曲中呢何、何故事，

我就把陳後主個段風流咁就講過你聞⁸。

講到兵困景陽，家、家、家國破呢，

歌殘玉樹後庭春：

佢重攜住二妃呀：，【拋舟腔】佢攜住二妃藏井底，

我思量銜石填東海，又怕精衛虛勞一片心呀：、
 外便龍潭虎穴非輕易呀，只怕恩愛翻成誤姐吧玉人、
 又怕相逢不是黃衫客，恐怕陌路欺人惹禍根。、
 哀我係一個書生手無三尺劍，唉我臨危無力費沉吟、
 我欲效藥師紅拂事，想話改裝夤夜共妹去私奔。、
 我係呀孤掌難鳴為遠客，今日有心無力咯幾咁傷神、
 恨我樊籠無計為你開金鎖，所以鸚鵡尚要羈留，困住姐身、
 妹呀你，洗淨鉛華甘謝客，只望平康早日可以脫風塵、
 唉！我慚非玉樹蒹葭倚，你係薦蘿絲附木瓜身。、
 我知你憐才情重更不嫌貧、
 妹呀，你讚我珠璣滿腹話我原無價嘅，、
 不枉你係梅花為骨雪為心。、
 妹呀你係女流也曉得咁多興亡恨，、
 【正線】就把錦繡江山委路塵、
 但係唔該享盡咁多奢華福，、
 【中板】唉！你聞聽此言多嘆息，讚佢風流天子更重情真、
 【地水無限序】、
 佢話死生難捨、難捨，佢話難捨佢嘅意中人、
 8
 【地水腔】

客途秋恨〔唐健垣唱〕(錄音：唐健垣 南音 5 CD)

曲詞及叮板譜由「南音欣賞網」(<http://naamyam.tsuenhead.org>)提供，未經演唱者過目，內容可能會有錯漏。

第 6 頁 (共 7 頁)

唉我胸中枉有千條計，但係我苦無一策挽姐吧釵裙。
 今日前程盡付東流水，好似春殘花蝶兩相分。
 正係神女有心空解佩，獨惜襄王無夢枉行雲。
 最怕啦、最怕一別永成千古恨，蠶絲未盡枉偷生。
 我係男兒短盡英雄氣，縱使得成富貴亦閑文。
 今日我飄零書劍為孤客，扁舟長夜對寒更。
 想話啦放開懷抱思前事，點知愈思愈想愈傷神。
 風送夜潮，嘩！寒澈骨，又聽隔林山寺響鐘音。
 聲聲似解我嘅相思劫呀，獨惜我心猿飄蕩向那方尋。
 既說苦海濟人，佛法可以登彼岸，
 做乜世間重留住嗰種情根。
 風流五百年前債，結成夙恨在紅塵。
 又見秋水遠連天上月，團圓照住別離身。
 【流水板】水月鏡花成幻想，茫茫空色兩無憑。
 恩愛自憐同一夢，我哋情緣同是證三生。
 意中人遠天涯近，【慢板】我空抱恨，琵琶休、休再問，
 惹起我啦、惹我青衫：紅淚更銷魂。
 【腔】

客途秋恨〔唐健垣唱〕(錄音：唐健垣 南音 5 C D)

曲詞及叮板譜由「南音欣賞網」(<http://naamyam.tsuenhead.org>)提供，未經演唱者過目，內容可能會有錯漏。